

INUIT ATAQATIGIIT

INATSISARTUNI



Nuuk, 28. maj 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Naja Nathanielsen, Inuit Ataqatigiit)

Apeqqutit:

1)

30. april Naalakkersuisut siulittaasuat tusagassiortunik katersortitsinermi ilisimatitsivoq, aatsitassarsioqatigiit suleqatigalugit akileraartarnermut ilusiliussassaq nutaaq suliarineqalersoq. Ilutigisaanik ilisimatitsissutigaa, suliffissuarnik suleqateqarneq tamanna sapaatip-akunnerani 17-imi aallartinneqartoq. Aatsitassarsioqatigiiffiit akileraartarnermut ilusiliussassamik nutaamik suliaqarnermut taama toqqaannartigisumik peqataatinneqarnerannut suna tunngavilersuutaava?

2)

Akileraartarnermut ilusiliussassap nutaap oqallisiginissaa siunertaralugu ataatsimiinnernut ingerlatseqatigiiffiit kikkorpiaat peqataappat?

Tunngavilersuut:

Apeqqutit saqqummiunneqarput Inuussutissarsiornermut Aatsitassanullu Naalakkersuisup 21. maj tusagassiortunik katersuutsitsinermini paasissutissiinerinut qisuariaatit.

Tusagassiortunik katersortitsinermi aatsitassanut tunngasutigut politikikkut akisussaasup oqaatigaa pingaartuusoq Nunatta ingerlatseqatigiiffissuarnik qimaatitsinnginnissaa. Malitsigisaanik ilisimatitsivoq aatsitassanut tungasutigut akileraartarnermut ilusiliussassaq nutaaq: siunissami ingerlatseqatigiiffiit siornatigutulli annertutigisumik akileraartassapput – taamaallaalli allatut ittumik akiliisassallutik. Akileraartarnermut ilusiliussaq ilimagineqarpoq aasap ingerlanerani inaarsarnejassasoq. Maannakkorpiaq ingerlatseqatigiiffiit ilusiuliusassaq nutaaq pillugu suleqatigineqarput. Siunissami politikikkissaq pillugu suliffissuarnik toqqaannartumik taamatut suleqateqarneq erseqqissaavigeqquneqarpoq.

Siumoortumik kissaatigissavara apeqqutit tamarmik ullut suliffiit qulit qaangiutsinnagit akineqareernissaat.